

Cartulaire de Marmoutier pour le Perche (N.-D. du Vieux-Château Collégiale de St-Léonard de Bellême et Prieuré de St-Martin-du-Vieux-Bellême), Nr. 176

Frogerus, Dei gratia Sagiensis episcopus, omnibus ad quos iste littere pervenerint salutem. Innotescat universitati vestre quod controversia que agitabatur inter priorem et monachos Belismenses et Fulconem, presbyterum de Colunnart, super tractu et straminibus decimarum ecclesie de Colunnart et super quibusdam redditibus, quos prior et monachi in eadem ecclesia percipiebant, in presentia nostra terminata est ita quod prior et monachi totum tractum earundem decimarum de cetero habebunt et duas partes decimarum et straminum ; et de aliis redditibus ipsius ecclesie prefatus Fulco XVIII solidos Dunensis monete eisdem priori et monachis annuatim persolvat. Ut autem hec in futuris temporibus robur obtineant auctoritate sigilli nostri ea communivimus. Testes : Johannes archidiaconus Oximensis, Thomas de Sancto Paulo, Radulphus de Menilglais, Petrus de Cortiel, Lancelinus de Ygeio, Fredericus Hugo, capellanus, Geronimus de Lunro Brient.